


民國叢書

第五編

• 76 •



民國叢書

第五編

· 76 ·

歷史 · 地理類

首都志
(上)

王煥鑣編纂

上海書店

王煥鑣編纂

首都

志

上册

王應麟藏書

本書據正中書局1937年版影印

首

階

志

上冊

總

理


陵

地

測

製

局



(製局量測地陸)

瞰鳥陵理總

鼓

樓

(製局量測地陸)



序

甲戌之冬。楚僉葉先生枉過盩山。討論文藝。謂黨國建都金陵。胸將七稔。未有專志。誦述沿革及建設之懿。中外人士諏訪所及。僅以舊肆故書應之。非所以揆張首善之義也。以詒徵嘗從事方志之學。珍重誣諉。詒徵佁錄館務。未皇兼及。爰舉王生煥鑣從事編輯。周生慤佐之。六閱月而成志廿四卷。都五十餘萬言。經以綱要。緯以圖籍。循原竟委。融冶舊新。詒徵舊稿鉤稽史籍所得。既資其采輯。山館祕籍及庋藏檔案。外間所未覩者。亦甄香而類攸之。于是山川城郭。宮室衢路之閎偉。以逮政教之大。謠俗之細。燦焉可睹。學士大夫旁礴論都。將于是有取焉。初稿成。葉先生促付手民。詒徵與王生謂是尙有待於刪潤。未可以璞示人。先生謂求者孔亟。曷先印行。其有罅漏。待再版時增損未晚。且屬識

其緣起。憶先生涖館論書時。詒徵嘗勸先生印行金陵地志叢編。舉景定建康志至正金陵志陳氏南畿志及清康熙江寧府志等書爲第一輯。以牛首山志獻花巖志攝山志後湖志等爲第二輯。先生慨然允之。謂稽古之事。亦所不廢。惟宜先輯簡明之志乘。自周秦迄今。俾閱者一展卷而瞭如。徐推之前代。則益知其源遠而流長。是書之輯。蓋地志叢編之初。橈竊冀按藝文目所載。賡續印布。俾世之人知吾國史籍之富。微論國史。卽一地之志乘。其繩繩不替。若是。因以求先民之偉烈。勛國族之復興。其所繫之鉅。殆不止於流連古跡。覩樓方聞已也。乙亥秋八月鎮江柳詒徵。

凡例

一首都見於載籍。於今三千年。歷世綿遠。事蹟繁蹟。爲方志者類聚而羣分之。不能無多寡贏絀。時異事殊。趨尙不同。自難一致也。茲編分廿有四目。沿舊志之名者十之六。自立義例者十之四。沿革疆域。城垣街道。山陵水道。戶口官制。財政教育。兵備食貨。藝文大事表等。皆舊志所有。氣候警政。自治司法。外交則向之所無。交通禮俗。方言宗教。於舊志爲附庸。今蔚爲大國。人物舊志最詳。今但表其名。金石則并其目闕之。以陳氏通傳嚴氏金石志諸書俱在故也。藝文專列書目。各體詩文自有文徵專書。不煩鈔錄。至祠祀之記。科貢之表。廢止已久。悉從刪汰。以省篇幅。

一首都疆域時有分合。茲編所記。縱起於建置之始。橫限於管轄所及。自民國

十六年後但詳京市江寧縣政則付闕如。

一方志文體不外二種。或融會羣籍。自鑄新辭。或上絜綱領。下列徵引之書。茲隨行文所便。於茲二體並有所取。凡引用原文則稱其書名。典竄文句者。則於篇名之下。或每段之末。標明據自某書。擇要記之。不能備舉也。

一周官經大司徒職方氏職掌地圖。蕭何入秦。先收圖籍。圖之重要。自古已然。首都自清末卽有測量之圖。今益臻精審。舊圖雖未必足據。固可得其形似。因另裝成帙。以副左圖右書之義。至景物形勢諸圖。可以增閱者之興趣。輔文字之不及者。悉隨文附見。

一表譜之用。所以濟文字之窮。旁行斜上。年經事緯。無俟贅說。而端緒爛然。最爲善法。茲編列表至六十餘種。故文字雖省。事蹟具在。

一不佞守藏益山圖史之富。甲於東南。所藏籌防局檔接棟連字。皆遜末清年。

江南遺事。朝夕編摩。香輯尙易。而師友著作。涉於金陵者。又復浩汗。皆可借資。惟編纂之期限。以六月。一手補綴。成五十萬言。未能一一考訂潤色。荒率脫誤。知不能免。博雅君子。匡正是幸。

一是編每一篇成。輒請益於本師柳劬堂先生。揚摧體例。補苴罅漏。獲益宏多。同學周君雁石。爲之校讎文字。離析句讀。胡君澱咸。搜輯裁料。製佛寺道觀等表。辛勤相助。高誼可感。附記於此。以鳴謝忱。

敘錄

三千年來名號屢易。孰革孰因。茲焉歷歷。敘沿革第一。
區域攸分。四至八到。不遠伊邇。普其政教。敘疆域第二。
雄城嵯峨。舉世莫匹。于時保之。先民之血。敘城垣第三。
坊巷爲經。事蹟緯之。區其今昔。闕其所疑。敘街道第四。
山拔而起。風興雲蒸。萬衆瞻仰。孝陵孫陵。敘山陵第五。
道元注水。并及名勝。支幹未移。易以印證。敘水道第六。
雨暘寒暑。燥溼自天。過而防之。職競由人。敘氣候第七。
民數息耗。觀世盛衰。後減於前。誰厲之階。敘戶口第八。
設官分職。以役于民。百爾有位。終廉且仁。敘官制第九。

橫目蚩蚩。有頑有驚。戒備不虞。首都尤要。敘警政第十。

仰治於官。或荒而穢。自耘其有。本根以遂。敘自治第十一。
取之四方。用之一邑。簿書可徵。稽其出入。敘財政第十二。
司法獨立。僅三十年。其制數革。有平無偏。敘司法第十三。
德以定志。智以啓蒙。胡有歐美。前修是崇。敘教育第十四。
孔曰足兵。厥意可哀。誰是健者。一息殺機。敘兵備第十五。
水浮陸走。上馳於空。往還何阻。挹注斯通。敘交通第十六。
木腐生蠹。國弱招侮。仁義爲兵。不如不吐。敘外交第十七。
地不愛寶。庶物穰穰。于以用之。曰農工商。敘食貨第十八。
維禮與俗。國魂所託。善也守之。毋輕改作。敘禮俗第十九。
景純釋雅。時及江東。辨析聲韻。求其異同。敘方言第二十。

佛有達摩。道有宏景。耶回之徒。亦足嗣響。敘宗教第二十一。
古人往矣。何有於名。名不足觀。觀其典刑。敘人表第二十二。
掌故之書。代有述者。或存或亡。難可悉舉。敘藝文第二十三。
大事立表。肇於史遷。廢興萬變。朗若在前。敘大事表第二十四。
民國二十四年八月南通王煥鑣識於益山陶風樓

